



Broj: 01-02-4097 /19

Lukavac: .21.05.2019. godine

IZVOD IZ ZAPISNIKA

sa 28. redovne sjednice Općinskog vijeća Lukavac,
održane dana 29.04 2019.godine sa početkom u 10,00 sati, u sali Policijske uprave Lukavac.

Sjednici je prisustvovalo 26 vijećnika. Odsutni su bili vijećnici Admir Mosorović Šaban Bečić, Zikrija Nurković, Kenan Omerdić i Mehmed Suljić. Pored vijećnika sjednici su prisustvovali, savjetnik Općinskog načelnika Jozo Tunjić, sekretar Općinskog vijeća Izeta Bajrić, sekretar Općine Enes Numanović, pomoćnici općinskog načelnika za investicije, komunalno-stambene poslove i poslove MZ Mirela Bubić, za upravu i društvene djelatnost, mlade i BIZ Emir Kasumović, predstavnici službe za privredu lokalni razvoj i inspeksijske poslove Nihada Bećirović i Amir Imamović, direktor JP za komunalne i zanatske usluge "Rad" Lukavac d.o.o, Nehrudin Osmić, predstavnici medija Radio televizije Lukavac i Televizije tuzlanskog kantona.

Sjednicom je predsjedavao Zamjenik predsjedavajućeg Općinskog vijeća Admir Turkić koji je upoznao vijeće

- da je Općinski načelnik u skladu sa članom 49. i 50. Poslovnika o radu Općinskog vijeća, predložio da se u dnevni red 28.redovne sjednice uvrsti „Razmatranje zahtjeva za davanje saglasnosti za privremeno odlaganje viška zemlje iz iskopa i otpadnog građevinskog materijala na dijelu parcele označene po novom premjeru kao k.č. br. 1289 k.o. Puračić“, broj: 02-05-3677/19 od 17.04.2019. godine ;
- da je Komisija za izbor, imenovanje i administrativna pitanja predložila uvrštavanje tačke dnevnog reda "Kadrovska pitanja" u okviru koje bi se razmatrali pod a) „Prijedlozi rješenja o razrješenju i imenovanju članova radnih tijela Općinskog vijeća, Komisije za boračka pitanja, Komisije za pitanje mladih, obrazovanje, kulturu i sport, Komisije za stambeno komunalne poslove, poslove mjesnih zajednica i zaštitu okoliša, Komisije za procjenu vrijednosti nepokretnosti i prava i pod b) zaključak Komisije za izbor imenovanje u vezi predlaganja članova Savjeta za bezbjednost saobraćaja.

Zamjenik predsjedavajućeg je otvorio raspravu o prijedlozima za izmjenu i dopunu dnevnog reda i o dnevnom redu u cjelini.

Direktor JP „Rad“ Lukavac, Nehrudin Osmić je povukao sa predloženog dnevnog reda materijale predložene u okviru 6.tačke dnevnog reda kako slijedi: Izveštaj o radu za 2018.godinu, Izveštaja o poslovanju za 2018.godinu, Plana rada za 2019.godinu, Plan poslovanja za 2019.godinu i Trogodišnji plana poslovanja za period od 2019.-2021.godine.

Vijećnik Ramiz Frljanović je predložio da Općinsko vijeće uputi urgenciju da se sredstava iz Budžeta predviđena za UG „Altruisti“ isplate u što kraćem roku, kako bi isto moglo nastaviti podjelu hrane za djecu u stanju socijalne potrebe, tj. da se ovom Udruženju sredstva uplaćuju kao i ostalim Udruženjima.

Na izneseni prijedlog zamjenik predsjedavajućeg je konstatovao da će navedena urgencija biti razmatrana u okviru vijećničkih pitanja i inicijativa.

Po zaključenoj raspravi Zamjenik predsjedavajućeg općinskog vijeća vijeća je dao na izjašnjavaње prijedloge za izmjene i dopune dnevnog reda 28. sjednice.

-Prijedlog Općinskog načelnika da se u dnevni red uvrsti „Razmatranje zahtjeva za davanje saglasnosti za privremeno odlaganje viška zemlje iz iskopa i otpadnog građevinskog materijala na dijelu parcele označene po novom premjeru kao k.č. br. 1289 k.o. Puračić“, broj: 02-05-3677/19 od 17.04.2019. godine, **jednoglasno je usvojen**;

-Prijedlog Komisije za izbor, imenovanje i administrativna pitanja da se u dnevni red sjednice uvrsti tačka dnevnog reda “Kadrovska pitanja” u okviru koje bi se razmatrali pod a) „Prijedlozi rješenja o razrješenju i imenovanju članova radnih tijela Općinskog vijeć: Komisije za boračka pitanja, Komisije za pitanje mladih, obrazovanje, kulturu i sport, Komisije za stambeno komunalne poslove, poslove mjesnih zajednica i zaštitu okoliša, Komisije za procjenu vrijednosti nepokretnosti i prava i pod b) zaključak Komisije za izbor imenovanje u vezi predlaganja članova Savjeta za bezbjednost saobraćaja, **jednoglasno je usvojen**.

Nakon izjašnjavanja o prijedlozima za izmjene i dopune dnevnog reda, Zamjenik predsjedavajućeg vijeća je predložio, a Općinsko vijeće za 28. redovnu sjednicu jednoglasno usvojilo slijedeći

DNEVNI RED

1. Razmatranje i usvajanje Izvoda iz zapisnika sa 27. redovne sjednice Općinskog vijeća održane dana 28.03.2019. godine;
2. Razmatranje Prijedloga i donošenje Odluke o davanju na upravljanje novoizgrađenog dijela primarne distributivne mreže u naselju Puračić;
3. Razmatranje Prijedloga i donošenje Odluke o finasiranju političkih subjekata koji participiraju u Općinskom vijeću Lukavac;
4. Razmatranje Informacije o inspekcijskom nadzoru u 2018. godini u oblastima iz nadležnosti Službe za inspekcijske poslove Općine Lukavac;
5. Razmatranje i usvajanje Izvještaja o godišnjem izvršenju budžeta Općine Lukavac za 2018. godinu;
6. Razmatranje zahtjeva broj: 02-05-3677/19 od 17.04.2019. godine, za davanje saglasnosti za privremeno odlaganje viška zemlje iz iskopa i otpadnog građevinskog materijala na dijelu parcele označene po novom premjeru kao k.č. br. 1289 k.o. Puračić“
7. Kadrovska pitanja
 - a) Razmatranje prijedloga rješenja o razrješenju i imenovanju članova radnih tijela Općinskog vijeća :
 - Komisije za boračka pitanja,
 - Komisije za pitanje mladih, obrazovanje, kulturu i sport
 - Komisije za stambeno komunalne poslove, poslove mjesnih zajednica i zaštitu okoliša
 - Komisije za procjenu vrijednosti nepokretnosti i prava
 - b) Razmatranje zaključka Komisije za izbor imenovanje u vezi predlaganja članova Savjeta za bezbjednost saobraćaja
8. Vijećnička pitanja i inicijative

PRVA TAČKA DNEVNOG REDA

Razmatranje i usvajanje Izvoda iz zapisnika sa 27. redovne sjednice Općinskog vijeća održane dana 28.03.2019. godine;

Primjedbi na Izvod iz zapisnika nije bilo te je Općinsko vijeće jednoglasno usvojilo slijedeći

ZAKLJUČAK

Općinsko vijeće usvaja Izvod iz zapisnika sa 27. redovne sjednice održane dana 29.04.2019. godine, bez primjedbi.

DRUGA TAČKA DNEVNOG REDA

Razmatranje Prijedloga i donošenje Odluke o davanju na upravljanje novoizgrađenog dijela primarne distributivne mreže u naselju Puračić;

Pomoćnik općinskog načelnika za investicije, komunalno-stambene i poslove mjesnih zajednica, Mirela Bubić je u ime predlagača materijala je predložila slijedeće izmjene i dopune prijedloga Odluke.

- U članu 12. Prijedloga Odluke riječi „korištenje i održavanje vodovodne mreže" zamjene se riječima „potrošnju vode";
- U članu 14. Prijedloga Odluke riječi „za potrošnju i održavanje vodovoda" zamjene se riječima „od naplate naknade za potrošnju vode";
- U članu 15. Prijedloga Odluke riječi „za potrošnju i održavanje vodovoda" zamjene se riječima „od naplate naknade za potrošnju vode".

Predsjednik kluba vijećnika SDP-a, Adem Mahovkić je u ime kluba predložio da Općinsko vijeće sugeriše, nadležnoj službi da pruži adekvatnu pomoć, svim mjesnim zajednicama koje se bave održavanjem i upravljanjem vodovoda, da se registruju za obavljanje ove komunalne djelatnosti u skladu sa Zakonom.

Po zaključenoj raspravi Općinsko vijeće je jednoglasno uvojilo slijedeći

ZAKLJUČAK

Općinsko vijeće donosi Odluku o davanju na upravljanje novoizgrađenog dijela primarne distributivne mreže u naselju Puračić uz slijedeće izmjene:

- U članu 12. Odluke riječi „korištenje i održavanje vodovodne mreže" zamjene se riječima „potrošnju vode";
- U članu 14. Odluke riječi „za potrošnju i održavanje vodovoda" zamjene se riječima „od naplate naknade za potrošnju vode";
- U članu 15. Odluke riječi „za potrošnju i održavanje vodovoda" zamjene se riječima „od naplate naknade za potrošnju vode".

Općinsko vijeće sugeriše, nadležnoj službi da pruži adekvatnu pomoć, svim mjesnim zajednicama koje se bave održavanjem i upravljanjem vodovoda, da se registruju za obavljanje ove komunalne djelatnosti u skladu sa Zakonom.

TREĆA TAČKA DNEVNOG REDA

Razmatranje Prijedloga i donošenje Odluke o finasiranju političkih subjekata koji participiraju u Općinskom vijeću Lukavac;

Uvodnih napomena po materijalu nije bilo niti je vođena rasprava o istom, te je Općinsko vijeće **jednoglasno** donijelo Odluku o finasiranju političkih subjekata koji participiraju u Općinskom vijeću Lukavac.

ČETVRTA TAČKA DNEVNOG REDA

Razmatranje Informacije o inspekcijskom nadzoru u 2018. godini u oblastima iz nadležnosti Službe za inspekcijske poslove Općine Lukavac;

U raspravi su učestvovali vijećnici Alen Nuhić i Adem Mahovkić.

Iz rasprave su proistekle sugestije da se u okviru informatizacije rada općinskih službi, planira nabavka većeg broja nadzornih kamera, čime bi se nadomjestio nedostatak kadra i unaprijedio rad inspekcija i da nadležna služba preduzme aktivnosti na pronalaženju lokacije i izgradnju azila za pse lutilice.

Po zaključenoj raspravi Općinsko vijeće je jednoglasno usvojilo slijedeći

ZAKLJUČAK

Općinsko vijeće usvaja Informacije o inspekcijskom nadzoru u 2018. godini u oblastima iz nadležnosti Službe za inspekcijske poslove Općine Lukavac uz slijedeće sugestije:

- da se u okviru informatizacije rada općinskih službi, planira nabavka većeg broja nadzornih kamera, čime bi se nadomjestio nedostatak kadra i unaprijedio rad inspekcija

- da nadležna služba preduzme aktivnosti na pronalaženju lokacije i izgradnju azila za psetalice

PETA TAČKA DNEVNOG REDA

Razmatranje i usvajanje Izvještaja o godišnjem izvršenju budžeta Općine Lukavac za 2018. godinu;

Uvodne napomene po materijalu je iznio pomoćnik općinskog načelnika za budžet i finansije, Zuhdija Hrvatović.

Predsjednik kluba vijećnika SDP-a je iznio stav kluba po kojem isti podržava Izvještajo godišnjem izvršenju budžeta.

U raspravi po tački dnevnog reda su učestvovali vijećnici Jakub Mahovkić .

Vijećnik Mihađ Sakić je sugerisao da se u budžetu općine ubuduće precizno pozicioniraju neke stavke kao npr. kulturne manifestacije koje realizuje JU Javna biblioteka Lukavac, kao i manifestacije koje se obilježavaju povodom važnih armijskih događaja iz odbrambenog rata 92-95 god., kao i drugog svjetskog rata, da se iste ne obilježavaju putem javnih poziva i projekata nego da se u budžetu planiraju sredstva za obilježavanje npr. pobjede u bitci na Vijencu, godišnjice 117.- 223 brigade i sl. Takođe je postavio pitanje zašto općina kupuje određeni građevinski material od određenih građevinskih firmi te isti distribuira MZ, koji su razlozi za to?

Pomoćnik načelnika za budžet i finansije, Zuhdija Hrvatović je dao potrebna pojašnjenja i odgovore na pitanja proistekla iz rasprave.

Po zaključenoj raspravi Zamjenik predsjedavajućeg Općinskog vijeća je dao na izjašnjavanje Izvještaj o godišnjem izvršenju budžeta Općine Lukavac za 2018. godinu, koji sa 10 galsova ZA, bez glasova PROTIV i 14 glasova SUZDRŽAN **nije usvojen**.

ŠESTA TAČKA DNEVNOG REDA

Razmatranje zahtjeva broj: 02-05-3677/19 od 17.04.2019. godine, za davanje saglasnosti za privremeno odlaganje viška zemlje iz iskopa i otpadnog građevinskog materijala na dijelu parcele označene po novom premjeru kao k.č. br. 1289 k.o. Puračić“

Vijećnik Mihađ Sakić je konstatovao da uz prijedlog Odluke nije priložena skica iz koje bi se moglo jasno vidjeti koja lokacija se predlaže za odlaganje zemljišta, te sugerisao da ubuduće svaki prijedlog slične odluke treba da sadrži skicu. Pored toga konstatovao je da se prije nekoliko godina započelo sa regulacijom korita rijeke Spreče između dva mosta (novog mosta koji se nalazi na autoputu i starog mosta na Spreči) te da je potrebno nekih 200m nasipa za spajanje sa starim mostom te bi bilo logično da se ta zemlja odvozi na to mjesto što bi budućem izvođaču tog odbrambenog nasipa olakšalo posao.

ZAKLJUČAK

Općinsko vijeće je saglasno da se nadijelu parcele označene po novom premjeru kao k.č. br. 1289 k.o. Puračić“ vrši privremeno odlaganje viška zemlje iz iskopa i otpadnog građevinskog materijala, a u okviru radova na izgradnji kolektora za odvodnju oborinskih voda i kolektora otpadnih voda u Lukavcu, koji se izvode na osnovu rješenja o urbanističkoj saglasnosti broj:05/1- 23-2-1685/16 od 13.06.2017. godine i Rješenja o odobrenju za građenje broj:05/1-23-1-935/17 od 27.11.2017. godine.

Za praćenje realizacije naprijed navedene aktivnosti zadužuju se članovi PIT tima Lukavac.

SEDMA TAČKA DNEVNOG REDA

Kadrovska pitanja

- a) Razmatranje prijedloga rješenja o razrješenju i imenovanju članova radnih tijela Općinskog vijeća :
 - Komisije za boračka pitanja,
 - Komisije za pitanje mladih, obrazovanje, kulturu i sport
 - Komisije za stambeno komunalne poslove, poslove mjesnih zajednica i zaštitu okoliša
 - Komisije za procjenu vrijednosti nepokretnosti i prava
- b) Razmatranje zaključka Komisije za izbor imenovanje u vezi predlaganja članova Savjeta za bezbjednost saobraćaja

a) Razmatranje prijedloga rješenja o razrješenju i imenovanju članova radnih tijela Općinskog vijeća Komisija za boračka pitanja, za pitanje mladih, obrazovanje, kulturu i sport za stambeno komunalne poslove, poslove mjesnih zajednica i zaštitu okoliša i za procjenu vrijednosti nepokretnosti i prava.

Zamjenik predsjedavajućeg Općinskog vijeća Admir Turkić je otvorio raspravu po tački dnevnog reda.

U svojstvu predsjednika Komisije za izbor i imenovanje pročitao prijedloge rješenja za izmjene članova radnih tijela Općinskog vijeća, kako slijedi:

- da se Nuhić Nedžad razriješi dužnosti člana Komisije za boračka pitanja, a za novog člana iste imenuje se Nukić Denis.
- da se Sandra Imširović razriješi dužnosti člana Komisije za pitanja mladih, obrazovanje, kulturu i sport, a za novog člana iste imenuje se Ahmed Delić.
- da se Elvis Delić razriješi dužnosti člana Komisije za stambeno-komunalne poslove, poslove mjesnih zajednica i zaštitu okoliša, a za novog člana iste imenuje se Amir Jašarević.
- da se Nermin Alić razriješi dužnosti člana Komisije za procjenu vrijednosti nepokretnosti i prava, a za novog člana iste imenuje se Elmir Sejdinović.

U raspravi je učestvovao vijećnik Jakub Mahovkić.

Zamjenik predsjedavajućeg Općinskog vijeća je dao na izjašnjavanje prijedloge rješenja u paketu , a vijeće je **jednoglasno donijelo rješenja** o razrješenju i imenovanju članova Komisije za boračka pitanja, Komisije za pitanje mladih, obrazovanje, kulturu i sport Komisije za stambeno komunalne poslove, poslove mjesnih zajednica i zaštitu okoliša i Komisije za procjenu vrijednosti nepokretnosti i prava.

b) Razmatranje zaključka Komisije za izbor imenovanje u vezi predlaganja članova Savjeta za bezbjednost saobraćaja

Predsjednika Komisije za izbor i imenovanje Admir Turkić pročitao zaključak iste kojim se predlaže da Općinsko vijeće traži od političkih subjekata koji participiraju u Općinskom vijeću Lukavac da dostave prijedloge kandidata za imenovanje Savjeta za bezbjednost saobraćaja i to: SDA prijedloge za 3 (tri) člana Savjeta za bezbjednost saobraćaja, SDP prijedloge za 2 (dva) člana Savjeta za bezbjednost saobraćaja, SBiH prijedlog za 1 (jednog) člana Savjeta za bezbjednost saobraćaja, SBB prijedlog za 1 (jednog) člana Savjeta za bezbjednost saobraćaja, DF prijedlog za 1 (jednog) člana Savjeta za bezbjednost saobraćaja, Nacionalne manjine prijedlog za 1 (jednog) člana Savjeta za bezbjednost saobraćaja.

Rasprave o iznesenom prijedlogu nije bilo te je Općinsko vijeće jednoglasno usvojilo slijedeći

ZAKLJUČAK

Općinsko vijeće traži od političkih subjekata koji participiraju u Općinskom vijeću Lukavac da dostave prijedloge kandidata za imenovanje Savjeta za bezbjednost saobraćaja i to:

- SDA prijedloge za 3 (tri) člana Savjeta za bezbjednost saobraćaja
- SDP prijedloge za 2 (dva) člana Savjeta za bezbjednost saobraćaja
- SBiH prijedlog za 1 (jednog) člana Savjeta za bezbjednost saobraćaja
- SBB prijedlog za 1 (jednog) člana Savjeta za bezbjednost saobraćaja
- DF prijedlog za 1 (jednog) člana Savjeta za bezbjednost saobraćaja
- Nacionalne manjine prijedlog za 1 (jednog) člana Savjeta za bezbjednost saobraćaja

OSMA TAČKA DNEVNOG REDA
Vijećnička pitanja i inicijative

Adem Mahovkić, vijećnik u OV Lukavac

Obzirom da 2019.godine ističe period otplate izgradnje toplovoda od TE Tuzla do Lukavca Grada, na zahtjev velikog broja građana Lukavca Grada vezano za otplatu izgradnje toplovoda od TE Tuzla do Lukavca Grada, ponovo podnosim vijećničku inicijativu.

Tražim da se Općinsko vijeće Lukavac izjasni o inicijativi da cijena grijanja za građane Lukavca Grada poslije otplate toplovoda bude kao u Tuzli.

Jasminka Memić, vijećnik u OV Lukavac

U skladu sa Poslovníkom o radu Općinskog vijeća Lukavac postavljám vijećničko pitanje da li je do sada nešto poduzeto kada je u pitanju ponovno pokretanje Osnovne muzičke škole u Lukavcu, a za što sam lično podnijela vijećničku inicijativu u oktobru 2018. godine. Da li je nešto poduzeto u proteklih pola godine po ovom pitanju jer smatram da je od izuzetne važnosti za ovaj grad i općinu.

Naime, naš grad je prije više od pola stoljeća imao muzičku školu u kojoj su svoj talenat razvili mnogi uspješni dječaci i djevojčice, kasnije ugledni članovi društva kroz više generacija. Nakon ukidanja ove škole mnoga djeca su, što pričinjava ogroman napor za njih i roditelje, više od dvije decenije putovala u Tuzlu, kako bi tamo stekli muzičko obrazovanje. Još je više onih koje je upravo ova činjenica obeshrabrila da uopšte krenu u muzičku školu, kao i onih koji su nakon godina putovanja i odricanja od toga odustajali.

Napominjem da muzičku školu imaju manje razvijene općine u Tuzlanskom kantonu, a da Lukavac ima dovoljno prostora, sredstava i kadrova da ima jednu ovakvu prijeko potrebnu obrazovnu ustanovu, koja će poboljšati kvalitet života mladih porodica u ovom gradu i općini i možda biti presudan faktor za njihov opstanak, što bi trebalo da bude prioritet u radu svima nama.

Tražim od izvršne vlasti, na čelu sa Načelnikom, da odmah krenu u ovaj projekat, kako bi početak nastave imali već u školskoj 2019/2020. godini, a lično se stavljám na raspolaganje kao volonter za sve aktivnosti koje će biti u tom procesu.

Jasminka Memić, vijećnik u OV Lukavac

U skladu sa Poslovníkom o radu Općinskog vijeća Lukavac Klub SBB BiH pokreće vijećničku inicijativu za hitno uključivanje u rješavanje problema oko PK „Šikulje“. Inicijativa se odnosi na javnu upravu, sve resorne službe, posebno Službu za geodetske i imovinske-poslove i Štab CZ Lukavac.

Ne rješavanje ovoga problema ugrožava nastavak rada PK „Šikulje“ i stotine radnih mjesta što nije teret koji bi lokalna zajednica trebala da preuzme i što joj zasigurno nije u interesu.

Kao obrazloženje prilažemo dopis iz ZD Rudnici „Kreka“ Tuzla u kojem se objašnjava suština problema i predlaže način rješavanja.

Prim.dr. Zijad Mašić i prof. Mihađ Sakić, vijećnici u Općinskom vijeću Lukavac

Općinsko vijeće Lukavac donijelo je Odluku o nazivima ulica u određenom broju mjesnih zajednica na području općine Lukavac 2003.godine. Izvršna vlast, evo već 16 godina nije, sem MZ Lukavac Grad, ni u jednoj mjesnoj zajednici obezbijedila table sa natpisima naziva ulica i table sa kućnim brojevima domaćinstava u mjesnim zajednicama u kojima su usvojeni nazivi ulica u spomenutom vremenskom roku. Postavljám pitanje i tražimo odgovor: Kada će Izvršna vlast općine Lukavac odrediti malo para da se ovaj "gigantski" posao, poslije blizu dvije decenije pauze, riješi?

Prim.dr. Zijad Mašić i prof. Mihađ Sakić, vijećnici u Općinskom vijeću Lukavac

Ova kalendarska godina na području općine Lukavac započela je velikom aktivnošću u oblasti komunalne infrastrukture. Izvršna vlast općine Lukavac dobro djeluje i rezultati takvog djelovanja su vidljivi u većem broju sredina naše komune. Prethodne godine postavljali smo vijećničko pitanje u vezi zaštite važnog komunikacijskog objekta. Radi se o starom mostu na rijeci Spreči u Puračiću. Odgovor na postavljeno pitanje nije bio. Moguće je da će i nakon ovog pitanja biti isto. Pozivám Vlast općine Lukavac da pod hitno uradi zaštitne ograde na prilazima sa jedne i druge strane kod starog mosta na rijeci Spreči u Puračiću, da izvrši ugradnju novog asfaltnog sloja na mostu i u

neposrednoj blizini mosta. Kada se već troše narodne pare za kojekakve ulične rasvjete, krajnje je vrijeme da se i u blizini starog mosta na rijeci Spreči u Puračiću uradi osvijetljenje ovog važnog objekta.

Prim.dr. Zijad Mašić i prof. Mihad Sakić, vijećnici u Općinskom vijeću Lukavac

Da se uredi stepenice i obezbijedi odgovarajuća rasvjeta na objektu Petrak voda u MZ Lukavac Grad. Svaki građanin Lukavca dobro zna koliki značaj ima vodni izvor Petrak. Krajnje je vrijeme da se na ovom objektu preduzmu odgovarajuće građevinsko-arhitektonske aktivnosti kako bi se svi korisnici vode sa ovog izvora mogli na normalan i civilizovan način opsluživati. Vjerujemo daje sada pravi trenutak da se riješi ovo dugogodišnje problematično pitanje.

Dajana Čolić, vijećnik u OV Lukavac

Pokrećem, po drugi puta, inicijativu da se što prije izvrši detekcija, a potom i sanacija, nepokrivenih otvora odvodnih cijevi kanalizacione mreže-šahtova, obzirom da se pri svakoj jačoj kiši na ovim mjestima nakupljaju veće količine vode, koja prekriva te otvore, te ih čini neprimijetnim za pješake i vozila.

Dajana Čolić, vijećnik u OV Lukavac

Pokrećem vijećničku inicijativu, a na zahtjev grupe stanovnika MZ Kruševica, zaseok Sakići, da se na mostu koji vodi u taj zaseok postavi ograda. Trenutno stanje je takvo da ovaj most, koji povezuje zaseok Sakići sa ostalim dijelom MZ Kruševica, predstavlja opasnost za pješake, posebno djecu i motorna vozila, posebno u zimskim mjesecima.

Inicijativu upućujem ka nadležnoj Službi za investicije, komunalno-stambene i poslove mjesnih zajednica.

Alen Nuhić, vijećnik u OV Lukavac

Tražimo da se u ulici Branilaca Bosne, na dionici koja prolazi pored Osnovne škole Lukavac Grad, postavi radar sa kamerom, a sve kako bi se osigurala sigurnost učenika Osnovne škole, te dovelo u red parkiranje u pomenutoj ulici.

Obzirom da živim u ulici Branilaca Bosne svjedok sam svakodnevnog kršenja saobraćajnih propisa, a koji se ogledaju u prekoračenju brzine i nepropisnom parkiranju, što dovodi u pitanje sigurnost učenika Osnovne škole Lukavac Grad.

Ramiz Frljanović, vijećnik u OV Lukavac

Podnosim urgenciju da se sredstava iz Budžeta predviđena za UG „Altruisti“ isplate u što kraćem roku, kako bi isto moglo nastaviti podjelu hrane za djecu u stanju socijalne potrebe, tj. da se ovom Udruženju sredstva uplaćuju kao i ostalim Udruženjima.

Snimak 28. redovne sjednice Općinskog vijeća Lukavac i obrazci pojedinačnog izjašnjavanja su sastavni dio Izvoda iz zapisnika.

Kraj:11 sati i 16 minuta

Sekretar
Općinskog vijeća

Izeta Bajrić, dip pravnik

Predsjedavajući
Općinskog vijeća

Mehmed Suljić, dipl.ing.mašinstva